



OPĆINSKO VIJEĆE ILIJAŠ

**Odgovori na vijećnička pitanja i Inicijative sa 14. sjednice Općinskog vijeća Ilijaš
održane dana 30.11.2017.godine**

Ilijaš: Decembar 2017.godine

Općina Ilijaš, ulica 126. ilijaške brigade br. 6., 71380 Ilijaš
tel. (++387 33) 580-620, 580-633, fax. 400-505, e-mail o_ilijas@bih.net.ba
Služba za saobraćaj, stambeno-komunalne poslove i građenje
tel. (++387 33) 580-633, 580-672, 580-669



ARMIN MATORUGA – vijećnik SDA

Inicijativa: "Pokrećem inicijativu prema JP "Elektroprivreda BiH" d.d. Sarajevo s ciljem izgradnje transformatorske stanice za naselje Karaula, odnosno Gornja Karaula. Obrazloženje: Mjesna zajednica Stari Ilijaš se u više navrata obraćala spomenutom javnom preduzeću i povratnim aktom broj: 03-4-34222-34076/2012 je odgovorila da je izgradnja trafostanice planirana u periodu od 2014-2017. godine. Obzirom da je 2017. godina na izmaku, zanima me kada je stvarno planirana izgradnja trafostanice Karaula i do kada će građani Karaule uredno plaćati neadekvatnu isporuku električne energije od strane Elektroprivrede Sarajevo?"

Odgovor: Inicijativa je dostavljena Elektrodistribuciji Sarajevo i do slanja materijala za 15. sjednicu Općinskog vijeća Ilijaš nismo dobili odgovor.

SEMIR DIZDAREVIĆ – samostalni vijećnik

Pitanje: "Da li je u planu postavljanje cijevi u potok kod mjesta Zagonica u naselju Dedići?"

Obrazloženje: Na zahtjev stanovnika naselja Dedići, molim da mi se dostavi informacija kada će biti postavljene cijevi u potok kod mjesta Zagonica? Prema informacijama koje sam dobio na licu mjesta, iste su već bile planirane za postavljanje, ali iz nepoznatog razloga nisu. Molim da se ovo provjeri, te da ako nije bilo planirano, da se planira.

Odgovor: Operativnim planom Općinskog Načelnika i Službi za upravu općine Ilijaš za 2017. godinu, nije planirano ucjevljivanje ovog potoka. U 2018. godini Služba će izaći na pomenutu lokaciju, sačiniti predračun radova, te razmotriti opravdanost realizacije u skladu sa finansijskim mogućnostima.

Pitanje: "Da li je u planu rekonstrukcija i obnova puta za naselje Dedići?" Obrazloženje: Put za naselje Dedići se trenutno nalazi u jako lošem stanju i rekonstrukcija je neophodna. Konkretno, mislim da put od raskrsnice za Dediće (od bivšeg štaba Odreda "Tale"-ili gdje se autobus okreće) do kraja Dedića. Ima li prostora da se u Budžetu za 2018. godinu ovo planira?"

Odgovor: Operativnim planom Općinskog Načelnika i Službi za upravu općine Ilijaš za 2017. godinu, nije planirana rekonstrukcija ovog puta. U 2018. godini Služba će izaći na pomenuti put u Dedićima, sačiniti predračun radova, te u skladu sa finansijskim mogućnostima pokušati rekonstruisati pomenuti put.

Pitanje: "Postoji li mogućnost uklanjanja ruševnih objekata koji se nalaze duž puta prema naselju Dedići?" Obrazloženje: U razgovoru sa stanovnicima pomenutog naselja kao jedan od mnogobrojnih problema su naveli i problem starih, napuštenih i ruševnih objekata uz put koji vodi prema Dedićima. Ti objekti predstavljaju opasnost za mještane naselja, a posebno djecu koja tim putem idu od kuće do autobuske stanice. Tim objektima jako malo fali da se sruše na sam put, a i vremenom su postali leglo zmija, pasa lutilica i sl. Molim nadležne službe da provjere da li su stečeni zakonski uslovi za uklanjanje istih i ako jesu da se pokrene proces uklanjanja.

Odgovor: Služba će izaći na lice mjesta, utvrditi činjenično stanje i u skladu sa Zakonom pokrenuti postupak.

Inicijativa 1: "Pokrećem inicijativu da se u naselju Dedići postave kontejneri za odlaganje otpada. Obrazloženje: Trenutno nema niti jedan kontejner postavljen u Dedićima i prvi najbliži kontejner je udaljen skoro kilometar (na autobuskom okretalištu). Molim da se što je moguće prije izvrši postavljanje istih.

Odgovor: Očekujemo da u 2018. godini i u MZ Misoča dođe do nove organizacije odvoza smeća, uvođenjem dvolinijskog sistema prikupljanja i odvoza smeća, čime bi se riješio ovaj problem.

BESIM GLJIVA – vijećnik Stranke za Srednje

Inicijativa: "U narednoj zimskoj sezoni obezbjediti adekvatnije održavanje puta na potezu Donji Čevljanovići – Gajevi, prvenstveno kada se radi o posipanju istog u vrijeme poledice. Na samom početku ovogodišnje sezone došlo je do navedenih problema. Također je neophodno odmah na proljeće izvršiti sanaciju udarnih rupa i odvoda voda sa navedenog puta".

Odgovor: Put "Donji Čevljanovići-Gajevi" je u nadležnosti Direkciji za puteve Kantona Sarajevo, inicijativa je dostavljena Direkciji i do slanja materijala za 15. sjednicu Općinskog vijeća Ilijaš nismo dobili odgovor.

Inicijativa: "Kada će biti dovršeni određeni nedostaci na novorekonstruisanom putnom pravcu Donja Vogošća – Malešićki most? Neophodno je dovršiti slijedeće radove: autobuska stajališta do kraja uraditi i pojedina proširiti (Malešići); regulisati uzurpaciju zemljišta prilikom izgradnje puta pojedinim stanovnicima (spisak ima općina); obezbjediti pristup individualnim objektima sa navedenog puta iscrtavanjem isprekidane linije; izraditi treću isključnu traku kod Malešićkog mosta, skretanje za Beroviće u okviru državnog zemljišta koje postoji; postaviti adekvatno upozorenje i znakove sa upozorenjima o kretanju đaka i o blizini škole.

Odgovor: Inicijativa je dostavljena na nadležno postupanje Direkciji za puteve Kantona Sarajevo i do slanja materijala za 15. sjednicu Općinskog vijeća Ilijaš nismo dobili odgovor.

Pitanje: "Kada će biti dovršeni radovi na projektu kanalizacije u neposrednoj blizini škole u Malešićima, obzirom da je ista ostala otvorena i predstavlja opasnost za učenike i ostalo stanovništvo"?

Odgovor: Ugovor sa Izvođačem radova je potpisan 01.11.2017. godine sa rokom izvođenja od 90 (devedeset) kalendarskih dana. Radovi su u toku, sa povremenim zastojeima. Šahtovi kod škole su zatvoreni.

ALAN ŠERAK – vijećnik SDP-a

Pitanje: "Tražim da mi se dostavi mišljenje našeg pravobranioca u vezi sa općim sporazumom koji se odnosi na rekonstrukciju i održavanje postojećih cesta na području općine Ilijaš. Obzirom da je poznato da je općina Ilijaš vršila i vrši izgradnju novih putnih pravaca, zanima nas da li iz postojećeg okvirnog sporazuma mogu proizaći novi ugovori za izgradnju novih putnih pravaca, obzirom da se okvirni sporazum odnosi na već postojeću putnu infrastrukturu, te da li su predmetne nabavke izvršene u skladu sa Zakonom o javnim nabavkama BiH"?

Odgovor: Općina Ilijaš je potpisala Okvirni sporazum za izvođenje radova na rekonstrukciji i investicionom održavanju cesta i mostova od interesa za općinu Ilijaš sa firmom "Halilović" d.o.o. Ilijaš, nakon provedenog Otvorenog postupka javne nabavke, a koji je proveden u skladu sa Zakonom o javnim nabavkama ("Službeni glasnik BiH", broj: 39/14). Okvirni sporazum se realizira u skladu sa Operativnim planom Općinskog Načelnika i Službi za upravu općine Ilijaš i zahtjevima i potrebama koje su iskazane putem Savjeta MZ-a, kao i interesima općine Ilijaš. Pitanje proslijeđeno Pravobranilaštvu.

DAMIR FILIPOVIĆ – vijećnik SDP-a

Pitanje: "Više puta upućivana inicijativa za izgradnju trotoara na lokaciji Stari Ilijaš, tačnije od Malešićkog mosta do firme Tranzit, te nas zanima kada se ista namjerava realizirati"?

Odgovor: Pitanje je dostavljeno Direkciji za puteve Kantona Sarajevo na nadležno postupanje, do slanja materijala za 15. sjednicu Općinskog vijeća Ilijaš nismo dobili odgovor. Direkciji za ceste su kandidovani projekti za 2018.g., sa naglaskom da je ovo nulti prioritet.

ADEM ALIĆ – vijećnik SDA

Inicijativa 1: "Pokrećem inicijativu da se na lokalnim putevima (raskrsnica Gnionica i kod Amkove radnje) u MZ Mrakovo postave znakovi izričitih naredbi i opterećenja lokalnog puta (STOP ili nailazak na put sa prvenstvom prolaza i da nije dozvoljen saobraćaj za vozila preko 7 tona). Obrazloženje: Na pomenutim lokacijama zbog nepostojanja signalizacije svjedoci smo čestih saobraćajnih nezgoda zbog nepoštivanja prava prvenstva prolaza. Da bi spriječili gore pomenute nezgode podnosim datu inicijativu".

Odgovor: Inicijativa je dostavljena Direkciji za puteve Kantona Sarajevo, do slanja materijala za 15. sjednicu Općinskog vijeća Ilijaš nismo dobili odgovor.

Inicijativa 2: "Pokrećem inicijativu da se na izlazima sa lokalnih puteva iz pravca Marine i Haluga – Šigalište u Salkanovom Hanu i pravca od džamije u Mrakovu postave ogledala. Obrazloženje: Na pomenutim lokacijama zbog nepreglednosti postoji velika opasnost od saobraćajnih nezgoda".

Odgovor: Inicijativa je dostavljena Direkciji za puteve Kantona Sarajevo, do slanja materijala za 15. sjednicu Općinskog vijeća Ilijaš nismo dobili odgovor.